



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

De Tempore

**Landsberg, Johannes Justus**

**Coloniae Agrippinae, 1631**

Paraphrasis in Epistolam B. Pauli ad Ephes. IV.

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

T VI  
21

**O**bscuro vos ego vincitus in Domino, ut dignè ambuletis vocati-  
one, qua vocati estis, cum omni humilitate & mansuetudi-  
ne, cum patientia, supportantes inuicem in charitate, solliciti  
seruare vnitatem spiritui in vinculo pacis. Vnum corpus & vnus  
spiritus, sicut vocati estis in vna spe vocationis vestra. Vnus  
Dominus, vna fides, vnum baptisma. Vnus Deus, & Pater omnium, qui est  
super omnes, & per omnia in omnibus nobis.

PARAPHRASIS IN EANDEM EPISTOLAM.

Ephes. 3.

**S**uperioris Dominicae lectio in eadem epistola ibi fiebat, vbi hodi-  
erna die praesens nunc incipit. Scripsit namque Ephesios diuus Paulus,  
quantum rogaret Deum, genua sua flectens ad eundem pro illis, illisq;  
vt implerentur omni plenitudine Dei, optaret. Verum quia sciebat non ita  
sua dona homini infundere Deum absque conatu, labore & desiderio ho-  
minis: idcirco hortatur nunc Ephesios his donis, quae illis quotidie praest-  
batur ipse, sese, qui dona haec Dei cuperent, dignos idoneosque praestare.  
Itaque dicit: Obscuro vos ego vincitus in Domino. Dum haec scriberet Paulus  
Ephesios, Romae tunc erat vincitus catenis, & in carcere seu custodia. Pro-  
pterea dicit se vincitum, non propter furtum aut homicidium, sed in Domi-  
no & propter Dominum, hoc est, pro amore Domini. Sed vide quid obsce-  
rat, id est, per sacra rogat: Obscuro, inquit, vt dignè ambuletis vocati-  
one, qua vocati estis. Ambuletis quomodo vocationem vestram decet, vt mo-  
ribus sanctitateque vitae, id quod Christi seruum oportet, praestetis. Am-  
buletis autem ad caelestem tendentes patriam cum omni humilitate & man-  
suetudine. Vide quomodo humilitati mansuetudinem, hoc est, mititatem  
coniungat: quas quisquis Dei esse vult seruus aut discipulus, non negligat  
oportet, cum Dominus dicat: *Discite à me quia mitis sum & humilis corde.* Cum  
patientia supportantes inuicem, quo alter alterius onus iuuat portare: in cha-  
ritate, hoc est, non propter inanem gloriam, non propter cuiuscunque im-  
portunitatem, nec propter quodcunque aliud, sed solum propter charitatem.  
Inter aduersa, quae vicissim sufferitis, estote solliciti seruare vnitatem spiri-  
tus, vnanimitatemque voluntatis, vt sit vobis cor vnum & anima vna in  
Domino, in vinculo pacis, quo pax animorum, in exteriori que homine co-  
cordia, sit inter vos vinculum quoddam & nexus vnitatis spiritus. Vnum  
corpus estis mysticum in Christo, qui eodem spiritu viuificat. Vnus enim Spi-  
ritus est sanctus, qui vos viuificat, docet, ducit & regit, sicut multa membra  
eiusdem corporis corporalia anima vna fouet, eiusdemque vitam praestat.  
Sitis igitur hoc modo vos quoque omnes in Christo vnum corpus per fidei  
dilectionisque vnitatem: & sit vobis vnus spiritus, vna mens, vna voluntas,  
sicut omnes in vna spe vocationis vocati estis, & quomodo simul vnū patre  
habetis, ad vnam patriam ambulatis, eandemque remunerationem expe-  
ctatis. Vnus est Dominus noster Iesus Christus, qui in libertatem de serui-  
tute

Marc. 11.  
Galat. 6.

Actor. 4.

Ioan. 8.



tute peccati vos liberauit. Vna fides, qua ei seruitur & qua colitur. Vnum baptisma, nunquam scilicet iterabile, quodque idem est, siue à bono siue à malo id seruo ministretur. Vnus Deus & Pater omnium. De quo Esaias dicit: *Pater noster es tu: nos vero lutum. Et factor noster tu, & opera manuum tuarum omnes nos.* Ita vnus Deus & pater omnium qui est super omnes exaltatus & supereminens, vbique & per omnia diffusus & in omnibus nobis omnia implens, omnia possidens, omnia gubernans, & per gratiam suam in omnibus nobis, quotquot hanc vnitatem seruamus, quotquot in vnitatem spiritus viuimus, habitans.

## EXEGESIS EVANGELII DOMINICAE XVII.

post Dominicam Sancte Trinitatis, Luca XVIII.

**N**on vno duntaxat, sed varijs tentabat modis Dominus Iesus Saluator noster animas, propter quas saluandas in mundum venerat, ad patrem reducere. Ideo pro his orabat saepius, pro his vigil noctu in monte, aut alibi solus orando frequens morabatur, pro his synagogam accedebat Iudaeorum, pro his de castello ad castellum praedicaturus ibat. Postremo ad conuiuia quoque eorum, quos sui nouit obseruatores & sibi amicos, ire non recusat. Nihil enim omisit, quod ad animarum salutem prodesse potuit. Omnia autem faciebat propter electos. Vnde est intelligendum, quod hi soli non erant in domo pharisaei qui Christum obseruabant, & qui liuido animo Christum inuitantes, aliquid inuenire deprehendere in Christo quaesierunt, quo accusarent eum: sed fuisse etiam ibi bonos, qui ex verbis Christi instruerentur, & ex eius edificarentur sermone. Propter quos praecipue iuit, alioqui fortasse ad solos malos non iturus. Dicit igitur Euangelista:

Cum intrasset Iesus in domum cuiusdam principis pharisaeorum sabbato manducare panem, & ipsi obseruabant eum.

Non bono corde & sincera dilectione putamus hunc pharisaeum Dominum inuitasse, sed more suo pharisaico, qui erat magnam sanctitatem externa exhibitione ostentare, in consuetudine humana opera promittere iustitiae: latenter vero & in animo plenum esse odio, auaritia & hypocrisis. Hoc modo pharisaeus quoque hic noster Dominum tractauit: Inuitauit quidem illum ad prandium, sed subdola id videtur mente fecisse, Nam sequitur: Et ipsi obseruabant eum: In conuiujs solet homo esse loquacior, liberior ac familiarior. Quare Christum quoque sperabant pharisaei in aliquo excessu, quo illum notarent accusandum. Quamuis autem Christum obseruantes pharisaei, non sunt in eo edificati (hoc enim non quaerebant) non tamen Christus, sed inuidia & odium eorum eos scandalizabant. Nos vero benignitate & patientia Christi instructi confortamur, ut illius exemplo aduersarios, insidiosos ac calumniatores nostros non deuitemus, ubi pro gloria Dei aliquid agendum: sed inter malos quoque discamus boni viuere, sicut luminaria in hoc mundo. Intrauit autem Iesus domum illius pharisaei sabbato manducare panem. Non de solo pane loquitur Euangelium, sed quomodo vetus quoque testamentum per panem significat cibos.

MMMM cibos